



且亭詩

鉅鹿楊思聖猶龍

父著

五言律

巳丑除夕

臘意中宵盡驚心事事違
暗知筋力異漸覺宦情非
燒燭留殘燼開簾待曙暉
闐闐憎巷鼓旅夢不能歸

其二

行藏難自料漸老歲華侵
孤枕他鄉夢兩年此夜心
笙歌喧薊北烽火接山陰
萬事蹉跎裏無勞問陸沉

且亭詩

五言律

畏事

畏事門長閉空庭首自搔
遠天垂霧嶂滄海足波濤
瓊琢文章異經營造物勞
熱心渾欲絕失計問青袍
寄懷南亭諸友

一從辭舊社却悔廿年心
薄暮無知己中宵思故林
亂離猿夢隔烽火鴈書沉
爲報枌榆子名山好共尋

其二

歲暮風霜逼天涯思正繁
諸生猶袒褐大隱已金門
命相文章妒陰陽雷雨屯
何年星海駕刷羽向崑崙

送王孝源

送送渭城干河橋柳已殘
離思慄別酒客淚下征鞍
萊海旌旗渺幽州雨雪寒
蒼蒼歲又暮寂寞獨凭欄

歲暮感興

難從季主卜羞自判行藏
寓久移風土官閒愧稻粱
鄉心侵歲切旅夢隔年長
徙倚空庭暮昏鴉背日黃
其二

落日衆容歛長空歸翼齊
風沉古塞外月隱數峰西
薄命憐星骨殘生狎鼓輦
不才甘自老閉戶少扳躋

過戚畹廢宅

太息主人去空堂掩綺羅春風翻石燕夜雨泣銅駝
客散君恩盡臺荒鬼怨多傷心千載恨涕淚向山河

秋日書懷

故山不可到客夢老藤蕪散漫一官嬾蕭條片月孤
謀生悲落葉閱世淡秋蒲旅況何能寐相思鴈影徂

其二

西風連夜至蕭瑟薊門前雲淨天無色沙圓鷺盡拳
孤燈耿細火老樹駕蒼烟健戶人高卧端居愧俸錢

金山寺

峭壁開初地中流瞰大江濤驚逆石走佛怒喝潮降
雲木圍僧榻龍雷護法幢青蒼望不極終古自淙淙

其二

危磴何年寺江流不肯平金天開一劃龍背湧孤撐
鐘動雲生籟瀾迴石有聲薄遊欣得托小憇道心清

其三

鐘鞞波聲急蒼苔石徑微佛樓迎浪活塔影射江飛
渦轉喧僧渡雲腥潤客衣偶來如有悟鷗鷺本忘機

舟發錢塘看嚴陵一帶山水

泛泛嚴陵棹無山不水源行人聽石籟舟子報潮痕
岸斷深藏路峯廻遠認村掛檣風正利渙唱不聞喧
其二

瞬目看山過谿衍晝欲暝崖懸掛瀑白石老溜痕青
人語翠微落松風天際冷竒情不可駐飄渺隔仙肩

其三

峽束江流壯陰森別有天高峯虧晚照古竇沒寒烟
客屐雲光濕人家樹杪懸平生耽幽勝未敢廢黃緣

其四

合沓峯容異空濛石氣流水環烟作寺山遶竹爲樓
嵐影經時幻猿轂入夜稠孤舟何處泊浩蕩客心秋

過嚴子灘登釣臺

搖落層臺暮探幽一杖過昔人不可見江水夜空波
敗葉披荒徑崩雲濺古蘿勞勞塵役裏得不愧渙簑

仙霞嶺

地氣東南盡天根老此疆浙閩分嶺頂江海限津梁
峽緊風濤怒山深雷雨藏竒遊看不厭俯視但蒼蒼

其二

威遲盤磔路百里白雲封古洞綠蒼鼠靈湫戰老龍
仙衣晨見舞石杵夜聞春何日幽棲遂松喬會此逢

宿山寺

暝鐘投野寺客意憚蒼涼巖壁禪燈暗花龕佛火荒
盤藤懸古月老桂發山香幸就山僧榻塵緣得暫忘

延平早發寄答周元亮

王程催去棹曉色動波瀾好友難爲別名山只借看
相思橘柚渺有約荔枝寒風雨梨關道何由駕羽翰

野眺

凭高不可望暝色歛寒空湖濶吞天白霜稠亞樹紅
平沙圍宿鴈荒徑響秋蟲故國音書杳雲山無路通

旅次初度

主客百年事榮華歲不同衣裳欺白露鄉夢劇丹楓
報國身將老逢人術未工眼前兒女隔誰解慰途窮
便道過里

歸客慚司馬曾無四壁留殘書遺鼠嚙野稼任人收
狂益親知怪貧添兒女憂那堪行又別明日是長遊
且亭詩

使回東丁野鶴

憶逐星輶發空成汗漫
遊天隅頻入夢好景迥添愁
把袂還青眼銜杯尚黑頭
相期各努力或不在封侯

其二

不必恨交晚相憐卽弟昆
狂遊我已倦落拓爾誰尊
冰雪老騏驥江山勞夢魂
加餐聊共慰時事敢輕論

其三

江南殊物候久客苦淋浸
風軟花爭媚潮多氣易陰
孤舟芳草路細雨碧山心
遲爾何由至蕭條空自吟

謔梅

爲憐臘後約不借一枝看
煖室香偏麗蓬門影獨寒
難隨高士駕莫逐凍驢鞍
空有凌霜節憑誰結古歡
查伊璜抵燕不預闢事買姬以歸賦詩三章爲

送末篇專贈姬子

君來何所事歸去各凄然
夢破江南月愁深薊北天
狂吟聊閱世青簡互編年
余與伊璜有明史之役歎息河橋別

空悲遠道篇

時以遠道詩屬序

滿眼誰相識吾徒落落間悲歌燕市酒春夢武林山
歲月增書債風塵禿鬢髮雲居如可待爲我築江關

其三

十五美翩翩春生客路邊青絲莢葉渡紅袖孝廉船
山色搖湘珮江花拂翠鈿預愁西子近相妬亦相憐

暑中答野鶴

尚餘孤壁在強半是君詩雨歇山青後香殘月上時
冰霜清暑夢海嶽老雄詞此意今人薄惟應靜者期
答周元亮寄怪石圖秋稜集至

交情古所慎傾蓋見吾徒問訊烽相報關河夢不孤
高吟驅瘴癘拙宦老狂奴惆悵年來別堪悲怪石圖

其二

開君寄我札畧似寄君時寒燠空相念悲歡強自持
雲山千古約花月美人私坐卧成昏曉秋稜一卷詩
遙題陳鍊師紫芝山房

聞有含元子終年長閉關白雲天外闕疎樹雨中山
法駕邀龍馭塵心對虎閑探玄吾欲訪靈境可容攀

其二

天宇晝沉沉清齋見道心鶴盤松樹古泉聒翠微深
石氣封丹竈秋風動玉琴金芝倘可覓不敢戀華簪

贈李山人

龐眉戴古顏來往住人間日月塵中老江山笑裏閒
幻符哄客座呪鬼發冥頑予亦餐霞客何年問大還

悲陳章侯

憶歸櫟園子勸我及君盟越嶺相思約吳山大索情

辛卯于役八閩櫟園書訂章侯待于吳山勸余大索之 身前留傲骨老夫厭時

名寂寞青藤路年年春草生 徐文長青藤山房後爲章侯所得

其二

歎息斯人沒寥寥誰愛才世情成市虎吾道竟蒿萊
身老丹青悞詩狂白眼猜悲君楓樹冷江上有猿哀

送宮紫玄南還

十年纔一會戀別惜杯殘落日江湖濶孤帆何處看
冬風吹劍冷凍雨觸衣寒預想還家夜閒堂夢乍安

其二

送爾登舟去茲遊未是貧到來燕徼暮歸及海陵春
驗橐詩無恙登臺賦有神人生感意氣出處不須論

冬至日雪

積陰連至日朔氣晦層霄竟昧龍蛇蟄祇看狐兔驕
雲屯迷遠岫霧重結寒條惻惻天心轉微陽不易昭
送人歸蘇門侍養

惜別蘇門去如聞鳳嘯聲高人不可致弋者莫虛驚
京洛車塵暗雲山子舍清何妨扶持暇書札到承明

其二

鳥瞥十年事傷心故舊違風塵知己少江海異人歸
避世休談劍娛親自煮薇但能存嘯詠吾道未應非

寄申鳧盟

愁思風雨夕忽漫十年過曾否狂如舊將無鬢已皤
君才豈濩落吾意亦烟蘿出處誰能識悲哉兩地歌

夜雨

官冷閑於寺幽居不近名挑燈尋舊緒聽雨坐深更
暗牖低龍氣空堂度鴈聲興來何所事午夜有詩成
雨後宋玉叔過談

宦拙無人訪招尋剩有君莓苔初破屐笑語欲生雲
幻影池光靜攤詩花氣熏雄談渾不忌海岳足奇聞

其二

卜居臨隘巷一屋大於拳時下高人榻長留寶劍篇
雨餘山色碧風定樹光圓君但能來往吾廬未覺偏
次宋玉叔雨中過訪見投原韻

齋居無一事留客此茅堂風雅名難副烟霞道未忘
披帷來細雨敲竹散空香待到秋期近移尊泛月涼

其二

衝泥君肯出走馬到塔欄坐覺千峰秀談深六月寒
美名應自惜好句與誰看落落風塵裏能無愧一宦

久雨見月喜賦

總被重陰翳能無此夕明影斜難到地輪仄故懸城
不覺羣星助惟餘孤魄生亦知天意味暫喜慰人情

立秋日雨有感

積霖愆物候秋至益瀟瀟鴻鴈江湖晚奠龍日夜潮
長貧祝歲稔將老恨家遙慰藉煩兒女驚聞黑鬢凋
階下植秋花數本一夕雷雨墻圯見壓作此傷
之

小卉可憐色階前每自芳昨來一夜雨甘作委泥傷

弱質終難立孤根失所防西風吹別緒憶爾不能忘
送卜聖猷還里

幾載淹卽署蹉跎懷苦辛還家孤劍在去國一身貧
秋老張華宅蘆長易水濱感君何所贈且莫厭垂綸

秋病

伏枕看霜露偏驚旅宦情乾坤高病色身世老秋聲
籌國憑人借忘機任衆爭但能安薄祿未可歎無成

喜申鳧盟至都門

意外勞相訪秋風人正閒喜深無一語驚定始開顏

欸欸悲霜鬢遲遲話故山長安非昔日莫畏鶴書還

其二

不堪今夕會重憶亂離初人老干戈裏交存生歿餘

山川幾命駕涕淚共裁書十載還耕約相看愧鬢疎

其三

望極燕山暮相逢感泣多人間遺玉枕故物指銅駝

恨血千年碧甲申素園先生歿國難龍池未夜波雄圖今已矣

尚有酒徒過

送王念石叅藩湖南

且亭詩

五言律

莫道湖南遠衡陽有鴈過楚雲迎去馬湘月引行歌
轉戰遺黎少窺人山狄多知君富治術佳政在民和

其二

夫子廟廊器胡然役遠方人情工國宦我輩限才良
北地秋霜早南天別羽長尊前遙憶汝離思滿瀟湘

題雲栖曉霧冊

不識雲栖寺來從畫裏看蒼茫圍竹樹遠近落巔峴
啓曙僧扉冷迷烟客杖寒尋幽何日果深覺負微官

哀流民

婦子嗟何計飄流未忍分全家依亂草痛哭寄秋雲
征稅煩羣吏殷憂荷 聖君當今誰鄭俠早遣繪圖

聞

其二

霜重鴻飛急時危民命輕饑寒違故國枕藉卧荒城
舉目皆豺虎他人孰父兄齋心寬大詔萬一軫 皇

情

秋遲有懷

秋城餘返照霜色淡遙峯落葉空齋掩蕭條聞暮鐘

客情隨宦減生事逐年慵兀坐遲今夕懷人何處逢
送宋玉叔兵備隴右

隴山望不極迢遞送君行鴈影沙中度梅花笛裏生
饒歌臨廣漠鼓吹過邊城惆悵關河隔應憐漢月明
其二

萬古河源地遙看旌旆懸開筵森畫戟出塞富雄篇
雨雪關門迴風沙驛路連此行多勝事天畔莫潛然

落暉

一官長自笑竟日掩雙扉多病心空壯無家夢不歸

倚簷看鳥過仰面觸蟲飛吟望終何事西山又落暉

送姜滙思歸省

暫罷臺郎務歸帆入武林幾回青瑣夢此日老萊心
烽火鄉關急雲山魏闕深明年春水發破浪好相尋
徙倚

羈愁不自極徙倚客心懸秋淨蒼山出庭空白露先
黃金看世態短髮覺流年何事書生老終朝守一編

閒亭

好靜官程恕閒亭物外蹤讀書秋少睡服藥晝多慵

樹淺驚棲鳥窓低載半峰肩憂非我事微願學爲農
宋玉叔遊香山寺回詩以問之

愛說香山寺秋風信杖扶應隨啼鳥至或與老僧俱
翠色仍留否宸章好在無勝遊誰共汝吟望客心孤

哭岳霞標

公官國學十年不遷甫移戶曹卽歿

應悔詩書悞卑栖不若人誰云司計美只是一壺貧
質朴古儒貌迂踈老病身傷心旅旄慘何處泣高旻
喬文衣申鳧盟觀仲社集敝齋時鳧盟將歸里
良會知非易相逢况異鄉詩才吾里盛旅興幾人長
歲覺都門蹙歌緣醉裏狂可憐明日別揮手各蒼茫
送申鳧盟并呈殷伯巖

幾月依燕寺蕭條客念歸送君懷往路昨日雪花飛
勤北連沙戍漳南老歲薇寄言殷伯子招隱故心違
高卧

官貧人事少高卧養愚慵獨掩一庭雪遙聽何寺鐘
閒心關藥裹旅食媿村農漸覺浮名累吾將愜所從
送郭裕九以言事請歸

勿嗟今不用此去已承恩朝論歸吾黨危言託

且亭詩

五言律

十四

尊風和鄉路逼沙亂帝城昏宣室行應詔寧教老灌
園

贈周雲石先生

白髮照顏蒼高居一草堂吟詩隨老健種樹與年長
臘屐閒能着籃輿醉任將兒孫看滿眼拓舞不知狂
送法黃石歸膠西守制時膠西爲亂兵所陷

昨罷膠西戰歸疑路不同塞雲凝素蓋野日黯霜風
人代烽烟裏鄉園涕淚中離心且莫問知爾恨無窮

山信

歲序冬逾駛栖遲未得閒邊風吹碣石大雪滿燕關
濁酒堪扶老黃金豈駐顏年年山有信招隱幾時還

早春遊覽

鴉鳴春樹曉初日照城樓寶騎聯公子金輿度列侯
歌隣南陌動客過北堂留誰念青門外啼鴻滿道周

卒歲感懷

生涯今莫問何事老長安花鳥催春近冰霜逼歲殘
漸看容鬢改轉覺宦遊難寄謝寒梅發窮愁賴爾寬

癸巳除夕

守歲憐風俗板盤且暫親難將今夕意說向宦遊人
世事閒逾拙生涯老更貧故鄉那可忘薄酒欲霑巾

甲午元旦

碌碌浮生事棲遲又一春悲歡違故舊歌哭向時人
夢裏青山失尊前栢葉新自憐踈懶骨鳴玉對芳晨

早春

流年何太劇春事早相尋車馬征人路鶯花故里心
暖煙回遠陌晴日散遙林翹首憂偏切誰堪拄杖吟

其二

生事還如此閒門晝不開夢隨池草發春逼雁聲來
貧病從吾好迂踈任世猜芳時容易度肯惜盡餘杯

答魯挹庵總戎

鈴閣日清晏風閒大將旗鳴笳朝氣靜疊鼓夜筵遲
壯士揮金劍佳人舞柘枝軍中行樂慣真是一男兒
燕九魏石生年丈邀同魏環溪喬文衣申觀仲
飲郭外薄暮登土阜眺元故城愴然成詠

驪駒出郊外乘春踏野煙河明堤柳繫雪盡遠山懸
人面紛相接仙踪幾處傳徘徊西日下吾醉不知還

且亭詩

五言律

共

其二

勝日憐燕九相將過水隈呼朋選樹坐提榼就煙開
士女傾城出笙歌沸地來娑娑遊正適歸路莫教催
白雲何處是野殿尚嶙峋舊蹟增新感殘碑繡古春
吾生原幻化至道豈浮塵欲覓還丹訣茫茫誰問津

其三

蒼涼餘此地曾是帝王城感慨當年意登臨落日情
遠村雲漸合危岫雪猶明底是征塵裏勞勞過一生

其四

寒食

風雨長安路淹留客計非閉門傾濁酒寒食換春衣
深巷煙初亂隣家花又飛十年官舍冷何處夢漁磯

春日閒居雜詩

人閒天意靜幽興滿吾廬藥銚春晴後甌香午夢餘
尋山常愛畫懷古剩翻書只此堪容懶浮名漸欲踈

其二

爲官兼避地高卧不聞喧過雨庭筠綠經風砌草溫
客懷春易老吾道拙能存近識莊生達行藏敢細論

其三

自然非世器不是厭逢迎才拙就微祿官閒荷 聖
明榻邊芳草合檻外衆峯晴獨坐人來少從誰問姓
名

其四

老眼拚花放衰顏劇酒紅人情隨地異春色故鄉同
散秩容狂子乘時有數公生成造化力何必泣途窮

其五

淹蹇爲郎久生涯竟若何燕泥增舊壘庭木發新柯

應接午眠減柳榆春夢多空慙招隱地高上滿山阿

其六

局促悲城市風沙笑曉晴幾人堪對酒何地好聽鶯
坐惜青林遠常懷春水生韶華看又盡歸計苦難成

寄懷隆李言本兵備

雲中連朔漠榮戟欲臨關落日邊笳靜春風戰騎閒
登陴懷古烈舞劍壯顏顏獨有書生悞金門鬢欲斑

春夜雨

浙浙鳴簷樹風燈向夕扃客懷春不釋時雨夜多靈

且亭詩

五言律

六

天外孤鴻叫林間獨鶴醒明朝蒼翠處一半在山屏
同魏石生年丈過張未舒園林看花留飲成醉
尚有園亭好連朝花信催主人能愛客爲我掃莓苔
空翠靄青鬢餘香覆綠醅徘徊知不厭乘興許頻來

其二

密坐意何適淹留卜夜闌樹叢喧鳥墜燈影夢花安
醉舞拖藤杖狂歌側籜冠芳時朋好在莫問寺鐘殘

夏日閒居雜詩

卜築成幽趣閒情付藥欄夏雲當戶牖簷雨動波瀾

短髮臨風好孤吟入夜寬閉門無不可底事問漁竿

其二

沉睡移簾影幽吟倚石床呼童間煮藥欹枕漫焚香
返照明簷樹荷風散晚涼一官何足問幸不礙清狂

其三

栖栖燕寓久卑濕苦相侵無計離城闕常思卧竹林
經行窺蠹落獨立聽蟬吟物化隨流坎生涯詎可任

其四

午陰暑氣薄連雨客亭幽屋壁綠蒼蘚堦除帶泱流

且亭詩

五言律

九

身間官似野門閉靜於秋莫訝吾謀拙微名不用求
其五

旅食悲生事棲遲老此身曩懸妻子病宦久弟兄貧
終日驅羸馬何時埋釣緡近來踈懶極逐熱肯因人
其六

今年雨又甚何以慰人情龍掛無時出鳧飛作意鳴
乾坤增轉戰黎庶泣深耕由溺知誰切微臣愧
明

訪舍弟臨三於慈仁寺左方丈

何年兄弟別燕寺得相從久厭微官縛來聞精舍鐘
離家鄉語異隔代老僧逢坐語渾忘去西陽下遠峰
新秋雨中卧病

養病頻請假何地快幽尋空托含香署難忘楓樹林
年華依藥餌風雨入秋心漸覺寒花發齋居不廢吟
病中過魏石生年丈值其亦病遂訂西山之遊
踈拙兩人在何堪病亦同閉門新事淡伏枕舊圖空
共指西山霽遙憐秋樹紅扶筇應有待絕莫畏霜風

秋日憇報國寺僧舍

適意尋煙寺蕭然遠世情空香清梵唄古木引蟬聲
氣入金天肅心因初地明皈依徒日切所悞是浮名
秋雨卽事

密雨簷流細幽居竹徑清寒花朝放蓋病葉暫爲聲
何處雙砧發空天一鷺明忽驚身是客獨坐遠含情

送家弟臨三鄉薦後歸里

還家初得意此去有逢迎磊落真吾弟栖遲愧爾兄
青雲輕少壯薄俗重科名方羨驪駒異終看萬里行
送沈子襄下第南歸

徒然行李去相看一霑襟旅次寒衣減江村落葉深
登堂遊子淚望遠老親心知爾才終達無嗟遲暮侵
秋日閒居雜詩

頗厭周旋苦曾無車馬來綠門秋草長一徑晚花開
狗祿慙多負全生愧不才時當新黍熟得醉且銜杯
其二

爽氣秋齋集新涼坐夜分寒蟲燈下切孤雁月中聞
歲事憐黃葉鄉心悵暮雲從來甘寂寞誰復更論文

其三

豈意成顏放，雄圖事已虛。時平宜酒宦，拙漫裁書。
秋月堪酬客，青山不負予。遙空霜色冷，留滯歎居諸。

其四

高枕賒秋色，蕭森物望同。池寒蓮葉白，霜近蓼花紅。
好景真難負，香醪幸不空。閒知消息理，雲外聽冥鴻。

其五

旅服憐時序，秋城風雨多。黃花驕帝里，紅樹賤漳河。
泥滑朝餐懶，居閒體氣和。且謀終日醉，撫事漫悲歌。

其六

豈少雲林地，幽棲未敢名。秋高鴻雁塞，人老鳳凰城。
閱世交遊寡，攤書感慨平。西山堪供眼，迥眺衆峰明。

秋半

一年秋又半，萬事轉蕭騷。雨漬蓮房淨，笳吹霜月高。
官程慙祿米，鄉夢厭波濤。落拓隨生計，休嫌應接勞。

搖落

沈寥天氣靜，風景起離憂。雁叫龍沙月，霜飛鹿塞秋。
短衣垂老淚，遠夢結鄉樓。萬事同搖落，憑人呼馬牛。

大風夜坐

薄暮風聲壯千林散怒濤那堪門獨掩深坐客思勞
伏枕悲寒析懷人憶大刀病軀渾不耐愁逐五陵豪

閒亭冬月

冬淺晴宵暖悠然晚興舒竹風吹壁曉星月下簷虛
散步彌清景忘言卽敞廬向來憂悴極此夕見吾初

曉起望霽雪

雪色開初日庭虛入曉寒朝從窗裏望積素滿林端
枯樹饑鳥集晴簷凍雀攢凄清誰可語展轉客思難

夢吳崑白

崑白沒十五年矣是夕始來夢夢中無別語
但深惜其不售把遺文示余淚泫泫下嗟乎
崑白負異才不幸朝露生未酬其志卽歿亦
難泯其悵耶枕拈一首用誌朋友存亡之感

時甲午上冬之九日也

思君何處是今夕恰依然慷慨懷猶熱蹉跎恨豈捐
含情持舊友垂淚惜遺編負爾慙非一空疑梁月懸
送孫子任賁詔越中

紫微直省卽捧詔出明光路指吳山近恩傳越徼長

江巖搖石鏡湖色上錢塘勝覽行應遍無嗟在異鄉
雪

一夜窓痕白朝來雪滿籬竹聲簷外靜山色霧中奇
隱几媚幽獨垂簾清夢思未應嫌寂寞真樂不吾欺

冬日閒居雜詩

曙窓驚客寐群動各蒼茫犬吠寒城柝鴉啼早樹霜
婆娑身易老羈束興難狂夢斷梅花信清宵淚滿床

其二

無營長自適懶漫不妨官酒好隣家送山從畫裏看

晴軒容曝背短髮笑彈冠坐惜雙丸老冰霜度歲殘

其三

幸不登清要高居足晏眠驚心惟曙鼓入望抵寒烟
看劍渾閒事吟詩亦偶然諸緣無復繫蕭洒合逃禪

其四

悲風吹日淡暮色下庭除楫拙爐煙冷鬢鬢燈影踈
畔愁煩僕話多病信方書莫問謀生策終年自一廬

其五

數椽清淨內孤坐見生涯急景催寒雁驚風落塞沙

歲殘鄉夢劇心老壯圖賒已悟浮沉事微官莫強嗟
其六

輦下藏名好時光慰眼前笙歌惱不徹兒女笑相牽
裘敝無餘物囊垂有賜錢如何聞道路哀怨太平年
立春病起偶拈

猶是羈栖客其如春事何草根依砌澗山翠入簷多
閉戶酬書債閑吟耐病魔恁恁人漸老身世嘆奔梭
關山月寄宋玉叔兵備隴右

爲憶關山月征人幾度看不堪悲玉塞何處夢長安
影亂黃榆冷秋生畫角寒男兒期報國清嘯漫憑欄
曉入東第呈同院諸公

曉日趨東第虛堂敞夏陰編摩慙 聖代獻納愧詞
林氣接 皇居迥雲移畫棟沉自憐同載筆何以答
知音

贈吳雪帆侍御

萬死還官日艱虞啻此身抗聲驚虎豹搔首笑麒麟
頻下清時淚難忘 聖主仁不知纍若者若個懼埋
輪

其二

相如能許國黃石詎歸山博浪椎空擊秦庭壁竟還
玄黃留傲骨冰雪冷秋顏天意良非偶無嗟直道艱
午出東闕散步松林下

退食松陰午長林枕御溝鳥鳴宮漏靜蟬噪樹風秋
赤日流雲氣青山壓鳳樓承恩陪侍從緩步每遲留
馬病詩以歎之

拙宦慳生事塗泥我馬黃倦蹄傷道路瘦骨怯風霜
剪拂恩難斷飛騰志不忘哀鳴如有訴報主意何長

雨夕獨坐

不盡瀟瀟意空亭駐夕煙無人覺卻興獨坐豈徒然
小雨通花氣輕風滴樹泉閒心關一一幽事此中偏

贈吳駿公

廿載徒相憶何知共綵毫風塵淹宦蹟踈放自吾曹
署對紅雲近詩吟白雪高篇篇能起我明月大江濤
秋響

不覺逢搖落曾軒納晚晴看花秋慘淡步月夜虛明
露冷蟲多語雲深雁有聲憂來堪獨寤蕭蕭旅魂清

其二

閒門車馬少鄙性合幽居虛閣朝臨帖秋燈夜讀書
未能輕紱冕安敢憶樵漁潦倒年華變驚看綠鬢踈

其三

寥落重陰夕秋風獨掩扉霜鐘雲外徹螢火雨中飛
愁病顏應換家山夢不稀十年干祿客彳亍欲何依

其四

秋容經雨淡望裏盡空濛苔砌含新綠籬花綴晚紅
寒催吟力健夢覺野情通老大真堪笑羈栖似轉蓬

其五

樗散仍通籍栖遲老歲年青雲看後進白首嘆前賢
木下秋窗冷門關一榻懸微官聊可適長日幾回眠

其六

未可憑高望巖城秋色來風煙迷巨麓砧杵亂燕臺
岐路楊朱淚清時賈傅哀悲吟懷不淺感動獨徘徊

其七

世事今如此誰能學醉歌塵中知己少郭外好山多
宦况委霜露鄉心寄薜蘿忘憂非有術假寐尚無吡

其八

身世驚虛擲，息息歲序流。
悲風嘶代馬，夕日冷吳鉤。
生計貧逾拙，狂圖老未休。
何當隨俠少，射獵北山頭。

其九

官閒無一事，寂寞憶仙踪。
靈藥從誰乞，丹砂竟不逢。
浮名慙驥尾，老態厭龍鐘。
留得谷神在，山中問赤松。

其十

黍谷秋陰早，天寒落照低。
驚霜孤鶴怨，失木野猿啼。
城市連烽火，郊原雜鼓鼙。
吾生慙未達，遲暮惜招攜。

其十一

憶得郊西路，山園樹已黃。
霜洲明鷺影，野水上漁梁。
蔬摘秋葵滑，齋炊晚稻香。
何時兄弟醉，笑指老夫狂。

其十二

近有家園信，田荒半野蒿。
可憐民似鵠，忍見盜如毛。
歲儉鴻聲急，沙寒魚尾勞。
慙慙語諸吏，好爲解天弢。

其十三

戰伐胡能定，安危仗廟謨。
普天驚羽檄，何地妥江
湖。粳稻東吳泣，樓船瘴海呼。
故山煙雨外，終擬著潛

夫

十四

曉日宮雲紫樓臺簇錦鱗梯航千里國臣妾萬方賓
地勢東連海天形西控秦太平誰獻頌居重在深仁

十五

驅馬過燕市蒼涼祇暮雲悲歌人不見擊筑事空聞
酌酒酬黃葉題詩送落塵江山常在眼俯仰意何勤

十六

上書悲樂毅結客感燕丹易水河流咽高臺草木寒
那能憐駿骨空復憶危冠萬憤填胸臆時時把劍看

十七

傳說魚池地金元有舊銘興亡時已易歌舞昔曾經
老樹壇壝黑殘陽壁壘青依違堪玩世無用泣新亭

十八

惆悵前朝事秋來思不勝青山圍故國白露下諸陵
禮樂存遺逸興亡問老僧異時誰載筆涕淚傳萇弘

十九

秋巖何處至一夜送寒潮月暗翳翰塞雲沉罨踈橋

深巖棲老衲古木響山樵此意無人識空齋客夢遙

二十

破悶惟耽酒傷離不廢詩暫須依薄祿未可怨良時
雨雪孤臣淚關河旅客思那堪風景暮淒斷使人悲

二十一

金天紛客緒非敢效閒吟虛擬歸田賦空懷憂世心
寒城催鼓角孤壁淨瑤琴何事昏鴉亂爭枝滿上林

二十二

驅我來城市看山夢亦慳可憐秋氣肅况是夕陽閒

落葉深辭樹歸僧晚閉關幽尋何日事堪恨鬢毛斑

霍龍淮招飲徐園同劉淇瞻魏石生

高晏秋筵敞樓臺隔市塵憑欄山翠入拂檻柳條親

沉醉邀新月登臨對故人此中風物好來往莫嫌頻

其二

傑閣虛臨水飛簷架木牢樽前俯雉堞窗裏亂波濤
艷曲魚龍醒雄談星月高平臨雙眼豁頓悟世緣勞

魏石生初度

雙星昨夜近秋色滿堦除諫草留丹訣新詩卽道書

深巖棲老衲古木響山樵此意無人識空齋客夢遙
二十

破悶惟耽酒傷離不廢詩暫須依薄祿未可怨良時
雨雪孤臣淚關河旅客思那堪風景暮淒斷使人悲

二十一

金天紛客緒非敢效閒吟虛擬歸田賦空懷憂世心
寒城催鼓角孤壁淨瑤琴何事昏鴉亂爭枝滿上林

二十二

驅我來城市看山夢亦慳可憐秋氣肅况是夕陽閒
落葉深辭樹歸僧晚閉關幽尋何日事堪恨鬢毛斑
霍龍淮招飲徐園同劉淇瞻魏石生

高晏秋筵敞樓臺隔市塵憑欄山翠入拂檻柳條親
沉醉邀新月登臨對故人此中風物好來往莫嫌頻
其二

傑閣虛臨水飛簷架木牢樽前俯雉堞窗裏亂波濤
艷曲魚龍醒雄談星月高平臨雙眼豁頓悟世緣勞
魏石生初度

雙星昨夜近秋色滿堦除諫草留丹訣新詩卽道書

樽開燕月暖門對遠山踈曉入蓬萊殿餘香引佩裾

秋螢和魏環溪

蕭條堦砌冷望裏自依稀帶月流光小穿籬落點微
輝輝明客眼故故上人衣寄語西風早凌霜試一飛

其二

燭焰飛難定乘時夜夜過細光輝竹樹流影亂星河
秘閣燃藜少平原簇火多微生露草露好得奈秋何

其三

熠燿誰名汝偏於晦處明遶欄疑有色度幕欲無聲

隱見金光閃飄飄玉宇輕推遷感物化腐草盡生成

其四

那知埋照意只是愛宵遊汎露何曾歇乘風亦未收
勞勞逐蟋蟀楚楚伴蜉蝣草木無情甚餘明忌暗投

送人歸里

驅馬秋風裏前程亂夕暉長安同作客故國獨成歸
邑里新知少山川舊路微甲兵天地滿不敢問柴扉

九日

佳節愁如此羈輻輳興未豪他鄉誰送酒旅客幾登高

樽開燕月暖門對遠山踈曉入蓬萊殿餘香引佩裾
秋螢和魏環溪

蕭條堦砌冷望裏自依稀帶月流光小穿籬落點微
輝輝明客眼故故上人衣寄語西風早凌霜試一飛
其二

燭焰飛難定乘時夜夜過細光輝竹樹流影亂星河
秘閣燃藜少平原簇火多微生露草露好得奈秋何
其三

熠燿誰名汝偏於晦處明遶欄疑有色度幕欲無聲
隱見金光閃飄飄玉宇輕推遷感物化腐草盡生成
其四

那知埋照意只是愛宵遊汎露何曾歇乘風亦未收
勞勞逐蟋蟀楚楚伴蜉蝣草木無情甚餘明忌暗投
送人歸里

驅馬秋風裏前程亂夕暉長安同作客故國獨成歸
邑里新知少山川舊路微甲兵天地滿不敢問柴扉
九日

佳節愁如此羈輶興未豪他鄉誰送酒旅客幾登高

可惜籬花發空驚短鬢搔一官成簡漫何必羨蓬蒿
出都宿天寧寺

襍被倉皇去黃昏入梵林鐘磬清客夢鈴語喚禪心
雨雪都城暮風霜驛路深何時征蓋息復此得幽尋
雪霽曉行

嚴裝侵曉霧野望盡蒼茫樹掛千村白林開初日黃
寒旌凝朔氣短鬢貼繁霜迢遞晉陽路勞臣敢自傷
和壁間韵

最是羈栖客窮途感易生壯心悲暮鼓老淚下孤檠
雨雪天將晚山川路漸更勞勞征蓋發堪笑此浮名
過固關

尚見雄關峙連山睥睨齊黃昏聞虎過落月聽鷄啼
幾處喧刁斗何年靜鼓鞞客愁頻立馬前路去將迷
入晉行山中

百轉山重障高低砂石中人家雲外住行客嶺頭逢
耕鑿存唐俗牛羊占晉風憑輿聞歎息何處有哀鴻
除夕同周茂山守歲

又復催春至邊城旅病身迂踈誰記憶拙宦且風塵

故國年光異他鄉朋輩親愁來無可慰敢惜酒杯頻
人日雪同諸友小集

人日驚飛雪山城寒未消
愁聊引劍對客漫呼臬
臘酒香堪醉春燈夜可燒
相看知己在旅夢不須招
立春雪適家書至

宦遊何節次忽復訝春非
愁裏開鄉信雪中檢舊衣
鶯花生事減樽酒壯心違
腸斷南來鴈今年歸未歸
邊春

不識春光好邊城祇暮風
沙寒驕獵馬日冷勁雕弓
老去心多慮狂來氣尚雄
芳菲容易盡何以謝微躬

申鳧盟自燕中歸在顧晉陽同周茂山喜賦

每共茂山子論交憶汝賢
忽傳燕客信正及早春天
沙塞聽鶯渺官厨漉酒鮮
相看俱老大珍重莫言還
贈傅青渚

此地誰相識清修尚見君
才高防薄俗身隱累深文
學道丹應幻忘機鷗可群
雲山春正好何處有塵氛
夜雨

邊地催寒早無端又到秋
孤燈耿客寐夜雨入鄉愁

老大慙鬚鬢風塵咲馬牛一官如可棄何事獨遲留
秋夜示同人

客心秋夜末空院露華高愁病常無寐喧卑敢告勞
遙天增感慨老樹助悲號慰藉惟朋輩時時引濁醪

秋霽呈周茂山

過雨秋光好空驚節序催盆花寒結子庭樹老生苔
遠味江魚渺高天塞鴈來行蹤餘我輩此地莫興哀

漸能

漸能安俗吏不敢愛周旋病裏形容老愁中歲月遷
有心難問世怪事幾書天啼咲俱非計鬚眉倍自憐

同諸公飲金粟園

塵氛何處息此地易追扳樹裏行厨冷花邊人吏閒
官狂容縱酒客久放看山乘興恣歡賞無嫌數往還
遲暉涵萬不至得來詩却寄

近得中牟信知君入太行萬山遲見面大雪促行裝
書畫賢兄絕才名難弟當朗吟嵩少作杖屨莫相忘

過金粟寺

寺爲故晉藩園

暫喜辭塵務今來禮梵宮慈雲敷貝葉法雨響松風

跌坐諸緣幻觀身萬累空名根終未了遮莫泣途窮

其二

地是王孫造名因浩劫留園花資佛力畦藥足僧謀
落日千峰迴汾河一線流登臨真不厭髣髴識椒丘

殷伯巖至

知己終憐汝相逢眼倍青邊城驚把袂官署喜占星
話舊懷空切移家世未寧幸餘尊酒在但醉不須醒

立春

去歲茲晨事今來正一年陰陽悲過鳥出處愧前賢
可惜春光好惟餘愁病牽暫時歡解印頻索酒杯錢

出太原

悵別并州路還看似故鄉一年愁與病遠道雪蕪霜
簿牒憎人面山川潤客裝無嗟遊宦苦不減舊踈狂

蚤發盤陀驛

脂車未暇緩侵曉發盤陀况瘁僕夫嘆喧呼驛使訶
砂灘鳴雪籟土屋傍岩阿宛轉風塵裏前途定若何

上元前一日宿南關

驛古三家聚荒荒憶俗淳衣裳猶昔製草木自爲鄰

石窟熒燈火居民賽土神上元明日是旅夢不知春
晚行

停驂何地好林木已棲鴉行李霑霜露鬚眉落塞沙
奔流深澗黑返景暮山斜莫湯悲于役前程未有涯
雪霽山中曉行

憑輿資遠眺曙色指朝暾春雪雲邊寺孤煙山下村
殘鐘驅客夢冷雁喚征魂何似林居子高齋尚閉門
過長平

銅鞮南去路傳是舊長平野老收遺鏃居人指廢城
山高夕鳥下林黑暮煙生似見青燐隱偏增感慨情
入太行

勞人悲首路何處寄遊踪落日驅車去行山千萬峰
陰崖溜凍瀑遠驛出踈鐘望望誰相慰經營志已慵
山行

山形不可極凝望入蒼煙蛇徑千盤上羊腸一線綠
孤雲依馬首群壑落輿前叱馭何人事悲歌憶昔賢
其二

迤邐層阿險板綠躡石梯山頑不受樹澗束故藏谿

決背看人小摩崖覺日低纔從東嶺下前路又烏啼
下太行望清化鎮

晉豫猶同壤暄寒一嶺分村籬圍竹樹隴麥覆春雲
倦馬嘶隄柳征人看雁群平原堪縱目不覺至斜曛

視河

浩渺知何際波聲自吐吞神功移地軸積勢下龍門
白浪吹沙立黃流漾日渾誰能循禹蹟疏鑿問河源
周太望隱君七十詩

秋期七十近酌酒憶翁賢種菊堪娛老疏蘭自引年

漁樵滄海外圖史夜燈前有子遊方暇歸囊滿贈篇

其二

伯也真吾友相從每說君看山輕策杖呼酒快論文
閱世嘆桑海怡情寄水雲舉觴遙望祝桂樹正披紛
送周茂山歸四明

問訊江南北相依足任緣論心杯共把學古字同詮
悵別秋風路思歸下瀨船重來如不棄莫使夢長牽

其二

不敢留君住知君有老親門前黃葉樹江上白頭人

負米休慚祿烹葵莫厭貧甲兵天地滿何處好爲鄰
其三

好會良非易重嗟在晉陽可憐同患難始信有離傷
高韻傳秋雪悲歌敵塞霜天涯知己少千里貴無忘

其四

數子湖山傲相從共訂盟過江傳我輩入里念茲行
出處高人達詩書亂世輕但須崇令德他日有逢迎
送殷伯巖歸西山卽訂蘇門之約

每羨歸田好栖栖愧未能去留君不繫出處我何憑

避地尋高隱看山依靜僧蘇門秋色老杖屨許同登
朱僊鎮

遺恨朱僊鎮千秋涕淚多天心不可問人事竟如何
江左驚鳴鏑中原牧橐駝至今感父老指點動悲歌

晚行田家

野澗通征騎村低帶落霞鷄棲農事靜牛飯夕陽斜
秋露滴禾黍天風吹豆花他鄉時序好何用苦思家

誚夢

莫問升沉事空勞旅夢訛天心存倚伏吾道本蹉跎

知己青山在秋風故郡多歸來真不易消息定如何
途次感懷

兵革何年罷荒涼處處同人家圍亂草門巷塞枯蓬
夜月孤城白霜林野燒紅經行成感慨淒切媿鳴鴻
陪李公愚代巡清輝閣讌集

水面虛亭敞來隨驄馬過泉聲橋外靜山色檻前多
樽酒親魚身旌旗狎薜蘿情歡西日下歸路遍笙歌
闌中夜味

燈火殷中夜傳呼鎖院深樓高風葉急宵迥柝聲沉
山水幽人志飛揚少壯心空堦頻竚立鐘鼓伴閒吟
月夜樓集

月上人初定樓高客共登自然無俗事况復對良朋
絳蠟垂銀蒜清罇低玉繩遶欄松影密此夕倍堪凭
中秋夜雨樓集

莫虛今夕賞風雨一登樓踈樹侵瑤席明燈照碧流
百門秋氣老直北野雲浮何事周南客中宵歎滯留
遊百泉次韻

不謂風塵客相從到百泉山空疑作雨林密欲爲煙

知己青山在秋風故郡多歸來真不易消息定如何
途次感懷

兵革何年罷荒涼處處同人家圍亂草門巷塞枯蓬
夜月孤城白霜林野燒紅經行成感慨淒切媿鳴鴻
陪李公愚代巡清輝閣讌集

水面虛亭敞來隨驄馬過泉聲橋外靜山色檻前多
樽酒親魚鳥旌旗狎薜蘿情歡西日下歸路遍笙歌
闌中夜味

燈火殷中夜傳呼鎖院深樓高風葉急宵迥柝聲沉
山水幽人志飛揚少壯心空塔頻竚立鐘鼓伴閒吟
月夜樓集

月上人初定樓高客共登自然無俗事况復對良朋
絳蠟垂銀蒜清罇低玉繩遶欄松影密此夕倍堪凭
中秋夜雨樓集

莫虛今夕賞風雨一登樓踈樹侵瑤席明燈照碧流
百門秋氣老直北野雲浮何事周南客中宵歎滯留
遊百泉次韻

不謂風塵客相從到百泉山空疑作雨林密欲爲煙

亂石當樵路平流散渚田薄遊堪取醉好向水亭眠

其二

登頓勞心目如從畫裏行松驕盤石險雲靜蕩波平
孤嶼採菱唱深巖伐木聲低回幽興愜得句不書名

其三

攀緣非一致曲折意何如地僻堪謀隱民淳好卜居
陰森啼衆鳥撥刺響遊魚可惜浮名悞常教勝攬虛

其四

露下寒空淨粼粼見石湖環山風雨葉隔岸水穿蒲

簪袂何年謝烽烟此地無臨流真足慕泛泛渚中鳧

其五

夕山秋色暎潭底幻明霞白動千巖月紅垂兩岸花
斷橋通寺徑古木隱人家獨羨持竿叟清寒立釣槎

拙吏

拙吏豈堪問馳驅夢亦勞自憐踈世務不敢羨時豪
客况驚秋雨年華感鬢毛山居何日定微願在蓬蒿

雨夕聞雁

忙中秋已盡此夕客懷多故國無家訪他鄉有雁過

風鳴黃葉亂燈照旅顏
酡獨坐關愁緒瀟瀟竟若何
夜同馬茆史作

判愁頻命酒寒夜坐來深
剪燭消官况彈琴長道心
星河高院曙鼓角遠更沉
落落鐘期在相將好入林
送喬文衣之任湖口兼訊王孝源廉使

潯陽初出宰紆綬羨君行
山色圍官舍湖光上縣城
相逢連夜短別去百端生
爲寄王廉使遙憐政化平
蚤春卽事

謝客常無事清和足退尋
春禽鳴院樹冬草變墻陰
潑墨雲煙濕焚香晝夢沉
名心真不繫却悔未抽簪
題陳簡庵谿南草堂

如子真名士谿南有草堂
春蔬嘉客飯煙樹主人裝
得句題桐葉臨池搨硬黃
他年婚嫁了可許共徜徉
贈馬布庵

高居被服蒼頭白孝廉
卽看畫雲生戶攤詩笛在床
花飛浮酒綠茶沸動甌香
有客時相過淹留數不妨
題孟陟公高齋

無復風塵到蕭然處士家
剪藤閒潑墨燒竹夜烹茶

世路寧須問浮生自有涯兒童能解事埽徑報飛花
其二

主人原絕俗小築卽竒遊曲檻藏幽鳥清談集勝流
雲霞三徑暖風雨一窓秋長日渾無事浮名何用求

其三

朴畧高軒爽幽尋自往來畏人雙戶樾愛客一樽開
聽雨留殘竹行歌餞落梅卜居何地好爲汝獨遲回

題画

彷彿桃源路春流處處通孤村梅雨白野寺杏花紅
林靜布碁局人閒開酒筒此中如可避不羨鹿皮翁

伏羲墓

莫測洪濛意頽然土一抔何年蒼草長終古卦臺留
野水隨沙尾孤雲抱遠洲興亡千載事憑吊漫生愁

汝寧酬彭燕又

汝上相逢暮同悲行路難論心聽夜雨惜別勸加餐
涕淚天涯闊交遊宦海闌迂踈吾共爾辛苦笑微官

其二

折腰慙對面棄擲感平生世共推年少人誰重老成

嵩峯鴻鴈度雲棧杜鵑鳴異地空勞念何由問舊盟
晚征

蒼茫野色暮惆悵欲何之隘巷牛鳴鐸荒村犬吠籬
人歸山市靜月上夕林遲明發遙相望風煙不可知
旅夕風雨

旅夜愁霑濕征人苦未聞驚風疑動地怒雨忽移山
孤枕遲鄉夢寒燈冷客顏擁裯渾不寐離恨與海潺
卽席酬翁藏若送別之作用燕又韻

送別春城路依依草樹滋青山常作客白首各違時
慷慨同誰賦風流亦我師心期千古在不必向人知

其二

藏名人不識風雨老雄吟花落他鄉淚鶯迷故國心
尊前愁易破客裏病常侵鴻雁蕭蕭去孤雲只自深
同翁藏若馬棊史何仲端李簡臣梁曰晉遊超
化若

峭壁千尋上人家已定居春秋迷漢臘鷄犬是秦餘
堂豁堪娛老山深好著書一椽如肯借不異在吾廬

其二

且亭詩

五言律

四二

暫輟風塵駕同來數日留千峯延勝客一榻枕高丘
車馬兒童喜桀樽猿鳥幽相依無不可何事作狂遊

崑縣白松 相傳為黃帝塋三女處

老樹何年植軒轅事有無霜紋飛素雪鐵幹冷棲鳥
赤日風雷急空山魍魎趨榮枯應不到天地任荒蕪

少林寺

古寺雲深處山圍面面峯鳥鳴金澗竹風落翠微鐘
斷碣封蒼蘚長廊倒恠松往來看不厭昏黑更扶筇

其二

岐路何時盡來叅少室僧雲房清磬響緝殿紫煙凝
聽法歸雙樹翻經問大乘好峯三十六拄杖可能登

初祖菴

落日披蓊入空山若有人片峯留色相 石有達摩像相傳為面壁

時所遺孤樹老龍鱗 庵有樹云是六祖手植崖暝烟嵐障庵荒虎

豹隣誰將一葦渡到處是迷津

入山懋莎蘿坪

一路灣環入花香啼鳥催濤驚翻雪浪石老卧青苔
猿飲空中挂樵歌雲外來幽栖吾所欲隱者莫相猜

青柯坪

不到三峯上愁經十八盤懸橋臨澗壑鑿磴倚巒岈
雨過牽藤怯人扶拄杖難天涯多偏側履險敢求安
贈海陽鍊師

戶牖凌霄起紅雲仙子家林間藏白鹿洞裏袖青蛇
丹井朝纔汲菖蒲晚始花拂衣何日遂終擬老烟霞

登華山

白帝蟠西陸川原彌望中真形胎造化惟石老鴻濛
鐵鎖千尋引天門一徑通超然人境外俯視盡虛空

其二

萬古青蒼色孤懸天外峯雲邊疑攫虎杖底欲驚龍
石髓誰能識仙人自可逢登臨初有悟冰雪淨塵容

其三

陰森天闕近風雨蕭精靈九服崇禋祀千秋昭荐馨
玉虬迎翠蓋仙藥響雲輶冉冉隨煙霧迴看下界冥

其四

金天分氣象獨立俯諸山洞黑神飈發崖昏紫霧環
蒼龍生足下仙掌出雲間欲喚希夷夢重來叩大還

其五

絕頂儵然上身輕
漸欲飛天風吹竹杖
嵐影濕仙衣
歲久黃精老
山深紫蕨肥
憑虛諸念滅
猿鳥本忘機

其六

凌空高不極
大地盡紛紜
渭水波光細
咸陽陵樹暝
龍雷當晝動
鐘鼓半天聞
何日潛雲壑
常隨羽士群

其七

山雨澄新霽
天清踏嶽蓮
神泉空外落
古木竇中懸
撥草尋丹竈
囊雲譜內篇
游塵何處息
目盡只蒼煙

其八

搔首層巔際
焦堯石磴巉
星辰垂大壑
樓閣立飛巖
落月天鷄唱
崩雷玉笥緘
微生無住着
採藥托長鑱

郭汾陽祠

道傍遺廟在
立馬嘆斜陽
一代中興業
當時異姓王
山河圍棟宇
鳥雀亂祠堂
多少興衰事
空懷弔古傷

王景畧墓

捫蝨談何壯
江東無此人
入山謀出處
哀亂托君臣
伐晉策終失
吞燕志不伸
徘徊古墓下
落日見荒秦

班仲升墓

投筆緣何事封侯願已酬
黃沙漠闕遠白髮玉門秋
望遠家人切生還聖主優
可知千載下寂寞祇高丘

馬嵬

鼙鼓渙陽急鑿輿西幸長
娥眉遂碧血將帥且銀章
落月深宮恨淋鈴夜雨傷
墳頭芳草色猶似戀君王

茂陵

寂寞高原上踈風禾黍哀
豪華追往事拓畧想雄才
封禪終何益神仙竟不來
可憐民力盡遺恨在輪臺

至寶鷄將入棧矣計啓行之日已歷春而夏寒
暄遂易物色亦殊蓋不勝旅人之感云

行李何曾定連雲入蜀天
鄉遙風物異客久歲時遷
隴樹飛鸚鵡巴山啼杜鵑
蕭蕭官署靜旅夢幾回牽
苦雨山店夜坐

泥淖何時淨驚流衆壑分
客愁連雨足鄉夢入山勤
雲氣千林失灘聲靜夜聞
自傷流滯久孤坐念離群
龍山寺明睿藩所建之報恩院也老比丘猶是
分封時與携者自言行脚漢南已四十年矣龐

眉白首每話前朝事輒爲潛然也

帝子今何處兵戈苦未消龍歸存浩劫僧老話前朝
杖履風雲暗江山涕淚遙焚香慙報國白首望青霄
漢丞相武侯墓

定軍山下路丞相有孤墳故國空流水荒阡足夜雲
君才自十倍天意竟三分行客年年過鶯啼不忍聞

大雲寺

寺臨絕壑前枕巨江石工隨山刻像大小在心誌者莫能悉其數名曰千佛厓也不知何

代所經始多宋元人留題

絕壁開龍象飛巖立渺冥千身原自幻百丈竟誰銘
梵放潮痕白煙環佛頂青宋元成往事今古自亭亭

褒城道中

棧接褒斜遠居民轉餉勞秦山雲矗矗漢水勢滔滔
鳥道時通騎行人日帶刀殊方猶格鬪旅食問旌旄

漢中感懷

漢南猶未定兵亂見蒿萊雨漲蕭何堰風高韓信臺
江山銷霸業日月老雄才底事龍川水東流竟不回

金牛驛

蜀山方恃險漫道五丁開
鐵騎飛常過金牛去不來
烽烟劍閣迥殺氣錦江催
可笑公孫輩徒稱割據才
登舟

西征方捨陸細雨動行舟
白浪孤篷振青峯兩岸稠
客身憐異域薄宦歎驚流
飄泊何時定風波慎自謀

其二

輕裝凌曉霧江氣入舟寒
鳴櫓催殘夢楊舫下急灘
厓深青兕伏沙靜白鷗乾
自笑狂遊誤萍踪獨未安

其三

江峽迷南北孤帆信遠風
欹斜看牒子欵乃聽篙工
破浪烏檣疾維舟野爨同
緣流山色暮停棹宿空濛

其四

中宵雷雨集蕩漾客心驚
枕上魚龍氣洲邊戰鬪聲
鄉書天易斷匣劍夜空鳴
擊楫愁難寐飄飄第幾程
入蜀

殘黎嗟爾在城市幾人過
世亂渙歌隱廬荒虎跡多
青山供涕淚白日度干戈
中野餘鴻鴈勞來事若何

病中東離指上人

肺病當炎熱來求避世方峨嵋何處是爲我散清涼
畏路巴山險塵心旅夢長皈依如不棄瓶鉢任相羊
其二

應是沃州住何年向此山靜中花雨落世外草堂閒
慧力堪馭病禪空不閉關一官慙自累相對杳難扳

夜雨

鄉心驚夜雨伏枕聽秋聲滿地蛩音亂空堦蕉葉鳴
無家依藥餌不寐想平生旅客瀟瀟意誰能識此情

和中秋夜雨小集

秋色夜蒼蒼天涯一葉黃西風吹客袂細雨打迴廊
壯志愁中減鄉情醉裏忘可憐今夕月不肯照流觴

贈謝明玉

十年征戰裏奔走豈徒然秋露悲禾黍春風拜杜鵑
黃冠心自苦白馬客誰憐好向江湖去扁舟任醉眠

觀音寺

古寺臨山澗門前積翠重一燈燃密室萬壑落疎鐘
劫盡佛恩見雲深僧路逢誰能空世務來此訪幽踪

登保寧城

壘石崇墉壯平臨豁遠眸亂山圍雉堞驚浪撼城樓
野哭何時靜烽烟苦未休爲傳諸將帥早晚下渝州

遊錦屏山

山靜飛黃葉登臨感客情寒城朝日色空谷大江聲
家遠驚烽火林開見耦耕興來頻竚立拄杖一身輕

空樹

兵荒時幾易樹老已無心不識興亡事何愁霜雪侵
林枯看石立風動聽龍吟應有胡僧到空山跌坐深

遊錦屏山武侯祠

廟貌依然在悲涼舊業空河流猶漢水山色似隆中
今古憑欄盡乾坤極目同斜陽霜氣肅涕淚落西風

遊比叵寺

策杖臨高巘尋幽禮梵宮山陰晴亦雨竹密晚多風
佛座石苔老僧厨流水通徘徊西日下閒看夕陽紅

遊大佛寺置酒

結侶尋山寺攀緣細路懸樓臺金碧上井邑蔚藍邊
地勝容杯酒春和靜管絃黃昏歸騎擁燈火下前川

題宋陳氏兄弟書巖

讀書兄弟好巖洞已千秋池涸荷香謝堂空桂樹留
鳴泉風自蒼谷鳥韻相酬破壁遺文在摩崖記勝遊

悼馬

遠道誰相伴長鳴爾獨親艱難關塞闊遲暮雪霜頻
病骨埋荒草征魂托主人

馬走死棧中
先一日見夢

風塵噴驥少

老泪欲沾巾

轉戰

轉戰幾時定驚看羽檄馳千山鳴豕角萬竈冷晨炊

川北徵輪急滇南消息疑不知諸大帥何以慰瘡痍

寒夜

蕭條人吏散暮色獨關扉夜靜霜笳動天寒雨柝微
明燈低鬢影孤劍冷書帷萬里誰相見征鴻自北飛
送吳瑤如赴禮部便道歸錢塘兼詢周茂山杳

伊璜諸友

不堪樽酒暮萬里送歸人雅量思才子清曹羨禮臣
舟過巴峽險路入武林春欲采梅花贈何由寄所親

王邁人孫黃中小集

共切憂時慮相憐過從多不然其濩落何以慰蹉跎
咲裏還聞歎愁中且放歌他鄉樽酒美莫惜旅顏酡
可惜

可惜浮名悞全身計已非迂踈從世厭俯仰與心違
白首慙明鏡青山歎落暉悲來還自咲曼倩久忘歸
相見和王邁人韻

絕域勞相見能來數不虛新詩研道妙濁酒話幽居
招隱青藤杖逃禪白鹿車那堪同北望隔歲竟無書
雪片

雪片西川少冬來何處看江邊青草出臘月雨聲寒
泥滑時驅馬愁吟忽倚欄客中人易老遮莫歲時殘
十五夜

門閉不成歡蕭蕭坐夜闌春星低院曙明月近人寒
客市聞燈放隣家聽曲殘殊方餘此夕重覺別離難
十六夜

愁極情難適翻因令節懸燈明猶昨夜酒綠似前年
何處歌鐘徹春城社火連客懷無一可強起望高天

春日項永伯招飲

且亭詩

五言律

選日歌筵敞園花幔帳開天涯朋輩合春色故鄉來
薄醉霑燈影輕寒護酒杯盡拚今夕賞莫問晚鐘催

東齋春日雜詩

遲日東齋暖官閒笑隱淪花飛蜂趁蝶簾捲燕依人
客病經春劇山情向曉新榮枯關物理披蕪任吾真

其二

殊方春事早官舍卽村居犬吠桃花落鷄鳴蕉葉舒
留賓除徑草課僕理園蔬雨後青山近常携數卷書

其三

近事真難問驚心客病中未須愁宦遠焉敢怨途窮
歲月鶯花老江山草木豐春深迷望眼鄉夢倩誰通

其四

穩卧當晴晝風吹几杖輕客心隨物換天意與人平
掃地清塵慮移花養性情閒來惟鍵戶深喜謝時名

其五

夜雨凝晨露清虛衙署閒籬根喧小鳥屋角挂春山
藥好潤餘種詩從吟後刪靜中心已了何物得相關

其六

優遊公事靜吟望到斜暉吏散巢鳥下門關徑蝶飛
長貧安遠宦久病怯春衣自悔浮生悞何年賦採薇
其七

爲客起常早幽居耳目清閒臨池樹坐獨遶竹籬行
芳草踈人事春雲淡世情窮通誰復計萬里一身驚

其八

退食成高卧微官罪責深憂時空有淚濟世豈無心
烽火魂難定徵輸力不任新聞六詔破或可罷呻吟

春燕

飄泊來何處呢喃如話歸穿花迷綠影掠雨弄春輝
故里巢難定雕梁願易違年年愁作客須汝好相依

書信

書信西南闊淹留動隔年關河開雨雪楊柳闕風烟
病骨春誰慰憂懷老自憐緘封來不易把讀淚潛然

春寒

蜀地春寒有三月桐子花之語

三月江天肅雲陰暖未回驚風吹竹壁細雨濕莓苔
山鳥暮還過桐花寒始開他鄉人易感春色漫相催

閩城西樓春望

曉日因高望千峯歷歷開野雲浮麥壠春樹辨樓臺
地接盤龍起江從巴峽來客遊堪送目倚檻獨徘徊

東齋春夜

虛堂澄夜色微月下晴欄爐響松濤急風鳴竹葉乾
依違聊玩世踈懶却從官隨遇心常足何須問路難

益州

自古益州地誰云風物荒江橋停估客山市稅茶商
火種畚田熟林開橘圃香杜鵑啼樹樹萬壑送斜陽
春愁懷所思

何地堪乘興憂來不暫寬迂踈得罪易貧病乞身難
夜雨聞啼鳩春風倚藥欄所思在遠道渺渺歲時殘
同郡邑諸公暇日泛舟沿江而上至北郭野亭留
飲

載酒江城下維舟暑氣清檣牽山向背岸轉樹陰晴
照水杯痕綠回風舞袖輕歡來禮數絕何必問將迎
其二

政閒人自適亭閣俯江郊山氣涼歌席灘聲靜野庖
清筵無俗吏遠宦得貧交痛飲真成醉何勞更解嘲

午日同王邁人孫黃中齋頭小飲卽席賦

佳節成歡聚還驚在異鄉榴花晴吐焰蒲葉曉傳觴
老至添憂患官閒恕醉狂人生知己少此會可能忘
集孫黃中齋和王邁人韵

竹影淡籠紗唧尊畏日斜簷垂元亮柳圍種卽平瓜
笑語脫烏帽狂吟飛落花頻來知不厭得醉卽爲家

贈乾南和尚

只向山中卧兵戈見靜居焚香僧課懶讀律世緣疎
明月臨方丈長松蔭佛廬西來衣鉢近稽首問真如

過笈如山房

暫喜離城市禪居不近名樓高山色合僧定鳥磬清
飄泊來初地風塵役此生黃昏鐘磬晚候吏愧相迎

諸公移席草堂

茅屋新成後群公載酒來座涼山氣入杯動雨聲催
薄宦存吾党天涯老衆才自今花徑熟敢惜數追陪

晚坐納涼

向夕披襟坐清齋靜見聞蕉聲晴送雨江氣晚蒸雲
樹裏明河落籬間白月紛蕭蕭殘暑薄寂歷欲何云

秋江晚眺便過草堂寺

極目滄江上千林秋氣高
亂雲橫古渡白露下東臯
鳥雀禪關靜山川驛騎勞
斜陽歸路晚短髮任蕭騷
贈宕山和尚還蜀養親

振錫歸來日蕭條見故園
雲山滿目在緇素幾人存
隨俗添僧臘依親報佛恩
空江風露冷持鉢向誰門

野望

天高一鴈鳴楓葉墮江清曠
野客誰到秋山人獨行
沙寒凝石籟林遠度鐘聲
何事黃昏近勞勞更入城

白奪山人來爲談陰太峯近况因寄

聞說中條勝風烟老一丘
長吟堪獨傲高卧許誰酬
藥餌閒中晒竒書亂後收
自憐塵役倦能不愧滄洲

寄馬某史

憶別嵩山寺關河隔歲看
歸應慙好友貧豈戀微官
錦樹巴江老梅花鐵里寒
遂初猶可賦不敢賤漁竿
殷伯巖寄書寧夏自傷老
矣勸予早歸買山而隱
感其意愴然有賦

不謂離群久封書塞上來
雪霜砂磧合風雨蜀門開

勸我歸當早憐君老欲催卜居鄰巷近安肯負崔嵬
已亥除夕分韻

何事悲留滯行藏不自謀吾生真憤憤客路正悠悠
臘去山浮翠春來江泛鷗良時非敢棄微願在林丘
其二

今夕嗟何夕離憂倍黯然烟霞違故國風雨送殘年
隻影孤燈細滄江雙鬢懸椒盤誰解頌淚落酒盃前

其三

風物他鄉別栖遲久漸諳浮雲猶薊北鼙鼓尚滇南

客柳春還折山花晴可簪年來生計拙寥落任江潭

其四

客心驚歲序高臥一身閒借問來天末何如歸舊山
人看春月曉夢聽子規還漸悔交遊悞微吟且閉關
人日

人日江天遠題詩好寄誰雨聲鳴凍竹春色媚寒枝
尊酒鄉心切山川客路疑芳時未可負此日益堪悲

庚子上元

去歲當今日誰知客再留心隨佳節亂夢及少年遊

巴俗喧燈社蠻歌雜市樓可憐杯底月重照錦江頭
白衣庵春望

倚杖江橋外祇園對錦屏人臨岩樹坐舟放綠烟停
亂壑封雲碧春城接岫青只應同載酒日日醉郊坰
春曉山遊

輕風山氣暖近郭好登臨草色綠河渚禽聲集澗陰
人家圍竹淺城市裊烟深馬上歸來望蒼蒼橫暮林
得周茂山書

與子相逢日携遊笑醉歌一年棲代北三月渡黃河
別後同吟少書來昔夢多歸期如不負未敢恨蹉跎
得韓聖秋書寄國門集至

大梁南去路邈遘竟難留豈意三年別真成萬里遊
江山新蜀國風雅舊神州遠道來非易鴻書珍重收
得紀伯紫書却寄

悵望故人信春風鴻鴈初經年巴峽客隔歲秣陵書
杖履身應健江湖願豈虛昨來頻送警高卧定何如
和前春燕仍用歸字

諾別前年燕依人春又歸只應來舊屐未肯傍華扉

帶雨啣泥小迷烟掠水微風塵天地滿養子莫輕飛
漫興

吏隱容吾懶深居斷送迎支牀成獨卧得句自經行
遠樹分山綠飛花照路明殊方憐物色心跡喜同清
閬城春望

客眼登臨豁山山入望蒼江沙連岍草春水上城墻
雲暖玉臺碧風輕閬苑涼依回憑眺久忽覺在他鄉
東程石公

與君俱有意相對且吞齧虎豹天門險山川蜀道卒
年衰資藥暴才拙斷逢迎欲共峨眉隱安禪老此生
贈于念劬

風雨悲行路相依兩見君黃河波到海劍閣樹連雲
山水人同往清狂吏共分招尋頻命駕尊酒會論文
其二

處處窮途淚休嗟蜀道難身閒從策杖俸薄咲加餐
故國雲山渺巴江花鳥殘風塵知己在何必說彈冠
苦熱

病體朝來劇炎方毒熱新火雲生夏峽赤日照征塵

消渴壺冰渺堆床吏牒頻永懷故里好半醉脫烏巾
喜雨

小雨鳴簷外微涼暑欲消雲低穿井樹風細動花稍
肺病秋來減家山夢後遙何年高臥穩篔簹笠伴漁樵
重遊錦屏山

久負青山諾凭高發旅情風塵淹逐客憂患迫餘生
明滅江光細蒼茫野寺平涼颼吹更早萬木動秋聲

其二

蒼翠錦屏色重來不厭看雲霞親杖履魚鳥識衣冠
古廟殘僧守空亭怪樹磻依側憐薄暮落日滿林巒
嘉陵晤張晦先卽送其之龍安任

詎意經年別相逢此地親寒燈連夜話細雨異鄉身
鬚鬢驚顏改山川咲吏貧竭來消息渺數問欲沾巾
其二

依依尊酒在客裏故人情落葉深離緒秋蟲助歎聲
天開巴峽遠路入棧雲平莫惜駟車去龍州幾日程
憶魏石生年丈

近得長安信真成行路難會須汝不死同去老嶺岼
且亭詩

車馬乾坤窄，渙樵天地寬。往來楓葉黑，愁絕夢中看。
早寒

秋盡霜威肅，驚風吹早寒。山空林影瘦，沙淨鴈痕乾。
勝地悲身老，清時歎歲闌。烽烟隨處合，珍重報平安。

題画

萬峯行不盡，客倦欲黃昏。古路三叉口，斜陽老樹村。
風鳴山犬吠，澗黑夕鴉翻。寂寞成孤坐，憑誰具酒尊。

立冬

窳陰連日夕，勿心復是冬。來砌冷蛩聲，小籬虛豆架。墮

迎寒添舊服，覓醉引新醕。惆悵年華易，山園夢幾回。

苦雨

十月山雲合，天寒雨不開。窗間鳴白鳥，屋裏上青苔。
衰謝杯羞把，閒愁賦懶裁。遙山黃葉滿，倚檻重徘徊。
申鳧盟書來爲我卜居廣平

豈是耽微祿，余心獨爾知。全生謀隱拙，多病寄書遲。
蜀道頻相念，隣居近有期。風塵逋客久，遮莫北山移。

贈萬松和尚

萬松和尚蜀之營山人，卓錫漢南九年，以醫

藥全活者甚衆亂定還川結廬闔城之東持
呪拜佛不講不禪行年七十雙瞳炯炯健步
如飛予樂與之遊而贈之詩

布衲兩眉蒼名山托鉢長然燈朝供佛讀偈夜焚香
不識人間事常懸肘後方結庵依闔水笑問幾滄桑
見山堂秋日雜詠示兒履吉興至遣書遂不次

第馬

四載誰知己相看只錦屏人情隨地異山色與年青
愁病家何在迂踈鬢早星汝來差足慰深坐戶常扃

其二

忽忽廿年過真看似夢中功名堪自笑心事與誰同
旅鴈驚秋雨離人歎轉蓬天涯父子在未可賦途窮

其三

汝弟相離久遙憐似汝長豈仍呼棗栗曾否解文章
雨後蛩聲急燈前飛葉黃殊方此時節那得不思鄉

其四

馳驅南北路風雨悵離迷可歎淵明子徒慙仲孺妻
詩書時已悞婚嫁願難齊迢遞鄉關隔何當詠去兮

其五

聞買南亭宅圖歸今有家虛堂宜種竹深院好栽花
醉共親知笑閒從兒女譁幾時微願足敢復問京華
其六

三巴雖信美曾得比吾鄉盤鬱江山古荆蔘城闕荒
官厨充芋栗藥裹檢檳榔伏枕年年事清秋病不妨

其七

見說蠶叢路堪憐叱馭豪崎嶇吾輩慣流寓昔人勞
山割青城險江啣白帝高秋來形勝在太息首空搔

其八

近事年來異何須痛哭頻黃金看世態白眼笑時人
露湛籬邊菊風清江上蘋此懷安可負長醉倒綸巾

其九

懶慢周旋少風塵歎謫居空懷招隱賦擬著絕交書
歲月雄圖冷關河老夢踈客情秋易感何處是吾廬

其十

汝來驚我老連夜話離愁圖書應無恙琴書爲好收
一官雙鬢短多病客心秋何事挑燈坐相看念滯留

十一

終日說歸去歸來何日真艱難千古道愁病四年人
露重迷鴻影風高冷釣緡故山空在眼無淚到情親
十二

強忍思鄉淚思鄉淚更頻可知作客好未勝在家貧
兒女燈前戲魚蔬月下陳祇今人萬里辛苦夢難真

十三

驟雨鳴簷瓦轟雷破壁垣不知天意怒方悟此心尊
江亂魚兒落山驚燕子翻一杯成穩卧酒醒已黃昏

十四

豈緣風土異抱疾一身多藥餌親僮僕山情隔薜蘿
可憐眠食減漸覺旅顏皤秋色遲行李其如瘴癘何
十五

十六

西方炎熱地未是早秋天江闊雷聲隱峯高日氣懸
蹉跎人易老卑濕體難痊簿牒塵埋裏清涼何處邊
數有乞休狀如何竟未成不才其薄落懶性少逢迎
味斷尊鱸美秋寒猿鶴盟那堪霜露夕衰白臥江城

且亭詩

五言律

空

十七

何處山添雨江流夜有聲
頽沙連岸闊駭浪與雲平
飄泊誰舟楫浮沉任鴈萍
高堂臨急響數使客心驚

十八

萬里魚鳧國西南到夜郎
蜀裘元異俗蒟醬是蠻鄉
水滙巴渝曲天環邛夔荒
從來設險地割據幾人強

十九

云胡爲至樂至樂不如歸
白髮羞徇祿青山負採薇
迎霜群鷺叫帶雨一螢飛
百物知時序吾寧忘舊扉

二十

浙瀝金甌與他鄉催授衣
漁樵何地隱松菊幾人歸
高館延秋色平林駐夕暉
羈栖身漸老底事未知非

二十一

吹笛月中清征人恨不平
有懷看短劍無路請長纓
壁壘秋餘濕江山戰後腥
陽關誰唱別淒斷故園情

二十二

錦城十萬戶今日幾家存
廢井沉龍氣高臺印虎痕
雲橫沙路合日冷戰場昏
鬼哭秋風裏難招新舊魂

二十三

自悔時名累長齋古佛前
囊懸貪載酒吏靜勇參禪
圓頂僧裝好方袍儒素偏
無生端可悟何必學楊玄

二十四

數載忝方伯旬宣事竟虛
流離餘婦子征稅到樵漁
卧病臣心苦違時世故踈
秋風吹客鬢旅食愧居諸

二十五

踈哉寧好慢拙也竟稱狂
以此無知己長懷弋者傷
天陰鶴鴛喜秋老蕙蘭荒
物態關生事低頭愧稻粱

二十六

番漢冉駝界經年雪未消
山高橫玉壘崖束駕繩橋
沙塞俗無米石田秋種收
古存戎索術金幣漸生驕

二十七

萬山秋氣肅落木畏風嚴
簞薦桃笙冷尊開崖蜜甜
刀耕人布種火井戶燒鹽
土俗看如此真成吏隱兼

二十八

落日衆山蒼人家住夕陽
舟橫渙浦裏客醉酒鑪傍
桐樹巢朱鳳茶園過麝香
爲憐風景美不是滯殊方

二十九

不信人嗟老于今老自嗟
看山雙脚懶把帙數行斜
過雨吟紅葉經秋醉落花
宦遊踪跡久能弗惜年華

三十

蜀江隨峽轉亂石下灘高
估客輕危浪長年狎怒濤
千磐過翼疾百丈引舟牢
來往風煙裏何如事桔槔

三十一

諸恙連大夏貢珉比王封
火浣槿爲布鳩形狀是叩
夷荒茶種馬僧古鉢藏龍
博望真何意開邊欲首庸

三十二

人傳石紐里從此導江源
疏鑿神功大平成帝力尊
千峯開禹穴衆水下夔門
响嶠豐碑在摩娑古字昏

三十三

斲息勞生役蕭蕭靜掩扉
未知今日是深悔昔年非
月霽蕉心卷墻陰菜甲肥
碓聲連夜動誰與寄寒衣

三十四

遺恨桓侯墓當年節制雄
靈旗朝捲霧石馬夜嘶風
伏臘香燈滿春秋瞻拜同
至今魂魄熱應在永安宮

三十五

秋雨鳴空細踈踈入座聞墻低穿夕靄衣冷撲江雲
紅豆風前摘紫薑霜後分數行寒鴈過似欲念離群

三十六

拙計憑人笑衰容只自憐愁中醒是醉客裏日爲年
水縮魚龍臥沙寒鷗鷺卷翅來成棄擲久擬老江邊

三十七

長夜渾無寐蕭條孤枕橫踈窗殘月照空院亂蟲鳴
雲樹遲鄉信煙霞冷宦情敝裘經歲薄顛倒怯深更

三十八

長日惟高枕清秋官署寒竹風吹几杖桐葉下欄干
懶慢催科拙流亡賦役難民窮慙厚祿何以勸加餐

三十九

轉粟千艘動輕帆下急流喧呼舟子怨欸乃野人愁
牛馬羞冠帶熊羆羨堯鰲願言寄盜賊爾輩早封侯

四十

早涼山寺曉問徑出層城錦石清江麗黃花赤岸明
雲深流磬響門閉隱經聲老宿安禪久無勞下榻迎

見山堂遣興

錦屏山色好况復際秋冬穿牖白雲亂隔江紅葉重
排憂類索句遣興屢扶筇每到夕陽下星星聞暮鐘
晤申鳧盟

幾處書相訊驚看旅病中乞身時已晚謀隱志猶同
道自存吾拙才難學衆工田園幸接近尊酒莫教空

過蘆溝

可歎蘆溝道年年促客裝人從岐路老夢逐故園長
遠水浮虹影孤城背夕陽蕭然行里去頓覺是他鄉

涿州署中再用陽字

寥落征塵裏官亭暫駐裝櫪踈過雨細樹老引風長
帝里瞻雙闕家山指陸陽勞勞驛吏倦爭忍說吾鄉
過范陽有懷鹿太公孫徵君張貢士太公伯順
先生之父及孝廉鍾元貢士于度皆謀救楊
左維護黨難世所號爲范陽三異人者也大
公久沒貢士猶及于其城見之孝廉今隱蘇
門與余善

黨禍誰爲主扶持有數公地當燕趙舊人與顧厨同

感憤傷時厄悲歌泣道窮我來成隔代太息想高風
其二

太公不可見于度已千秋所幸徵君在典型今尚留
爲農山澗老學道石泉幽幾歲勞書札遲余訪舊遊
寓東林寺僧房

古寺城東曲松風白晝長前朝留石碣倦客借僧房
身下香臺靜雲來法界涼憑高凝望久暮色迥蒼蒼

其二

小雨炎曦退松杉落檻陰踈雲開薄日遠樹出高林

踈案曹騰坐科頭散誕吟行藏應早定到此亦何心

其三

散髮竟何事僧窓客坐深風搖槐影亂月吐鳥聲沉
早悟無生理懸知不住心烹茶除夜色清梵出幽林

其四

行色何曾定狂遊道路賒逢僧皆是主到寺卽爲家
踈拙艱生事風塵老歲華那堪愁病裏再去向天涯

其五

避地尋金粟何妨數日留豐碑蹲鼻鼻老樹嘯鴉鷓

讀得名心滅焚香宿病瘳家園足樂事歸去更奚求

其六

世態豈堪問山川自昔年違時須縱酒埋照且逃禪
客夢鄉關外愁思風雨邊知音久寂寞絕調向誰傳

其七

山寺朝眠穩開門曙色高爲憐今日懶始悟此身勞
鳥雀喧庭樹莓苔上敝袍安能無一事飽飯髮常搔
途中示弟謙及兒履吉徵吉

夢寐幾相見那知岐路逢客床眠聽雨僧舍午聞鐘

病久形骸老愁多世事情到家應計日慙愧說行踪

其二

垂死傷天未歸來是再生江山父子淚風雨弟兄情
池草連朝長庭槐昨夜榮登堂悲喜集不用問浮名

其三

離緒話難盡酸辛老淚多敝裘經雨雪疲馬望山河
家報年三隔軍書日日過玉牛何地好吾意在烟蘿

其四

苦憶少強日家貧學宦遊長懷民社計不作旅人憂

苒苒百年事垂垂兩鬢秋無成耳自棄潦倒笑封侯
楊椒山先生祠

報國身何惜孤忠百鍊鋼性原羞鵲喜膽豈借蚬張
異代存祠廟行人拜諫章通家瞻禮切流涕至今長
題梁揆石年丈眠雲卷

卜築何丘好披圖得隱居風窓疑落木池水欲生魚
欄淺堪栽藥堂偏宜著書肯容相伴老不敢羨華裾

其二

主人能遺世勝地有林塘囊剩修琴價家餘豢鶴糧

柳翻雙岸綠荷亂一亭香糲糲百年事何心問稻梁

其三

舊仰人倫鑒如何寄遠村喧卑俗自薄踈懶道常尊
教子開書帙娛親抱瓦盆林泉如有此不異在桃源

其四

一從牽吏役不復到幽林自見眠雲畫常懷出世心
泉間閒洗髮松下自彈琴堪歎風塵客終年愁病侵



